

書名 太師王端毅公奏議十五卷 嘉靖  
 十三年刊嘉慶十一年補刊本  
 撰者 明 王恕 撰  
 卷 卷一  
 內容分類 史-詔令奏議-奏議-明  
 索書號 大木-總類-奏議-別集-19  
 編號 B1915500

# 卷一



[彩色首頁1](#)

[東洋文化研究所漢籍目錄 編號: B1915500](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-19](#)

[漢籍善本全文影像資料庫文本太師王端毅公奏議十五卷 嘉靖十三年刊嘉慶十一年補刊本](#)

版權所有: 東京大學 東洋文化研究所  
 使用上的注意事項

太師王端毅公奏議卷之一

大理寺

申明律例奏狀

臣備員棘寺叨司審錄常愧無分寸之補奚  
 敢有出位之思竊見法司中日逐擬斷之事

律例雖無不合推之人情亦有未宜今  
 舉一二昧死妄言伏望

明少賜裁決著為定例庶幾事得其宜而  
 易遵守開坐具本謹題請 旨

一件祛除凶德事臣惟奸盜凶德也凡



太師王端毅公奏議目錄終

奏議目錄 十三

穩

穀

稷

稌

程

穎

秬

坤育

朝用

供給餼梓裔孫朝選

朝重

大清嘉慶十一年秋八月望日補刊

太師王端毅公奏議卷之一

大理寺

申明律例奏狀

臣備員棘寺叨司審錄常愧無分寸之補奚敢有出位之思竊見法司中日逐擬斷之事揆之律例雖無不合推之人情亦有未宜今畧舉一二昧死妄言伏望

聖明少賜裁決著為定例庶幾事得其宜而人易遵守開坐具本謹題請 旨

一件祛除凶德事臣惟奸盜凶德也凡



人有一於身人皆賤之耻與爲伍况  
堂堂

清朝豈可容此之徒承襲世祿而玷辱

聖化乎切曉軍職中間守分盡職者固多  
而爲奸作盜者不少且奸與盜名雖  
不同實則相等查得見行事例軍職  
犯縱容及抑勒妻女與人通姦者俱  
曉敗倫傷化事例革職爲民許令應  
襲弟男子姪贅職其犯竊盜掏摸搶  
奪盜官畜產者法司因無事例止照

常例發落仍令還職實是玷辱名譽  
有傷風化如蒙 准言乞


勅該部同三法司計議除已發落外合無  
將今後軍職有犯竊盜掏摸搶奪盜  
官畜產者如律罪之亦照敗倫傷化  
事例革職爲民許令應襲弟男子姪  
替職如此則世祿及忠良之士在官  
無凶德之人矣

一件抑勒爲娼事伏覩

大明律內一款抑勒妻妾及乞養女與人

通姦者本夫義父各杖一百姦夫杖  
八十婦女不坐並離異歸宗其抑勒  
子孫之婦與人通姦者罪亦如之飲  
此切照有等無廉耻之徒抑勒妻妾  
及乞養女并子孫之婦與人通姦討  
錢使用其妻妾及乞養女并子孫之  
婦堅執不從被其逼打不過纜方將  
情具告法司因見不曾成姦律不該  
載止坐不應杖罪仍令婦人隨住切  
詳此等婦女思係良家不肯從伊爲  
娼志節貞潔誠爲可嘉今既具告到  
官意在脫免污辱若謂未曾成姦仍  
令隨住彼必得志仍前抑勒稍有不  
從輒加捶楚以此婦女剛強不屈者  
必至死地柔善軟弱者終被污辱實  
是敗壞人倫有傷風化如蒙 准言  
乞

勅二法司計議合無將今後但係抑勒妻  
妾及乞養女并子孫之婦與人通姦  
雖未成姦取問明白就令婦女離異



歸宗若婦女誣告亦依律罪之如此則凶徒不得肆姦而良善庶免汚辱矣

一件囚人納紙事照得法司見行事例除真犯死罪竊盜并逃軍逃匠逃囚不納緡劄外其餘一應罪囚各納紙一分入官切詳立法初意蓋謂逃軍逃匠逃囚多是窮苦小人以此免其納紙今照報効義勇民社舍餘勇士分七人等名雖與軍不同其實與軍

一般操備征進爲事一般照例發遣守哨法司因見前例不曾除豁亦令納紙未免破費盤纏實是窮苦不堪及有一家同居人口被人牽告三兩口在官者有之五七口者亦有之發落之時每人各納紙一分且民紙一分直銀三四錢官吏緡一分直銀一兩富貴者固不爲事貧難者從何措辦甚至傾財破產鬻男賣女若此窮苦實可矜憐如蒙 准言乞



勅三法司計議合無將今後問擬在逃報  
効義勇民壯舍餘勇士力士人等俱  
照逃軍事例免其納紙及一家同居  
人口有犯不分人數多少只令納紙  
一分如此則窮苦小人不致失所矣  
一件囚徒會

赦事伏觀景泰三年五月初二日

詔書內一款官吏軍民人等爲事問發運  
米做工等項悉行放免欽此該衙門  
因見

詔書不曾開有煎鹽炒鐵克軍伴儀從膳  
夫之類止將運米做工等項放免却  
將煎鹽炒鐵之類仍前拘役切詳運  
米做工與煎鹽炒鐵等項囚徒俱係  
犯該徒流并雜犯死罪人數止是一  
時發落有此頭項不一矧

詔書明開運米做工等項竊恐煎鹽炒鐵  
之類亦在其中若止將運米做工囚  
徒放免其餘煎鹽炒鐵等項不行放  
免非惟有違

詔書事意且使囚徒不得均霑曠蕩之

恩况煎鹽炒鐵等項多是窮苦軍民在工

日久未免逃躲及至挨拏又不出官

工役處所既不得其出力原藉原衛

又不得伊當差兩相擔閣俱不得用

徒有虛名實未便益如蒙 准言乞

勅三法司計議合無將曾經

赦煎鹽炒鐵克儀從軍伴膳夫等項囚徒

悉與運米做工等項一體放免如此

則

赦例無彼此之分囚徒霑均一之

恩矣

一件除奸革弊事切照在京五府并各

衛軍職官員俸糧折支銀絹板木等

物每季俱係各衙門差委指揮千百

戶等官赴

內府總領出外分散中間有等無知委官

不以錢糧為重惟務貪圖肥已多方

侵漁無所忌憚有指以置買什物而

侵欺者有假以抵還私債而剋落者

或見被軟弱而全不給與或因人不在而就不送還宿弊百端難以枚舉及至事發到官依法追問却乃展轉支吾不服招認錢糧被其侵欺官府被其攪擾蓋緣給散之際無有文職糾察得以縱意自由故也照得年例當賜軍士冬衣布花俱差給事中御史并戶兵部官親臨該衛眼同委官逐一唱名給散以此委官無由侵欺軍旗受其實惠弊源既塞詞訟自息

此法最善實為便益如蒙 准言乞

勅該衙門計議合無今後每季關領軍職折俸銀絹椒木之時照舊各差委官赴

內府關領到衛仍照給散冬衣布花事例差給事中御史并戶兵部官分投督令委官將銀兩麻數分鑿成塊絹疋每分網作一束椒木每分包作一處如法封記眼同委官逐一唱名給散如此則侵欺之弊可革而告訐之風



自息矣

一件僧道犯罪事伏觀

大明律內一款僧道犯罪曾經決罰者並  
令還俗欽此切照法司日逐問過僧  
道但犯一應大小罪名不分故失并  
曾否決罰悉令還俗其僧道官有犯  
因見律不該載止照常例運糧運灰  
等項發落仍令還職臣惟僧道官主  
典教門表率叢林比之僧道戒行尤  
宜精嚴持身尤宜端謹僧道有犯既

令還俗僧道官有犯豈可仍令還

且人誰能無過若將過誤犯罪及因  
人連累致罪并犯罪不曾決罰僧道  
一槩令其還俗竊恐禁網太密下無  
全人如蒙 准言乞

勅該部同三法司計議除已發落外合無  
將今後僧道官并僧道有犯公罪并  
過誤犯罪及因人連累致罪者俱照  
常例運糧運灰等項發落仍令還職  
復業其犯姦盜詐偽并一應故犯罪

名俱照常例運糧運灰決罰等項發  
落不分僧道官與僧道一體罷職還  
俗如此則事例得適中之宜僧道少  
故犯之徒矣景泰五年九月初三日  
題奉

聖旨三法司計議停當行

撫治荆襄

處置地方奏狀

先准兵部咨該本部奏准行令臣等候賊寇  
及勦盡絕之日就行會議區畫久長安治良

務太監唐愷右少監林貴提督軍務工部尚  
書白圭總兵官柳寧伯朱永左叅將都督同  
知喜信右叅將都督僉事鮑政等議得荆襄  
一帶山林深險土地肥饒刀耕火種易於收  
獲各處流民僧道人等往往遊移其中用強  
結菴立產官吏不敢科徵里甲不敢差遣以  
致驕慢日生縱橫日熾荼毒生靈以天命為  
不足畏謀為不軌以國法為不足遵茲者仰  
賴

皇上聖德神威賊寇俱已殄滅若不乘時處置抑恐餘孽復滋重貽後患緣係該部奏准行令臣等會議區畫又長安治良策奏

請定奪事理未敢擅便今將處置地方緣由逐一開坐具本順差指揮同知石湧親賚謹題請 旨

一襄陽荊州三衛并夷陵千戶所官軍未樂宣德年間俱在本處操守地方彼時山中雖有流民畏懼軍衛不敢嘯聚為非正統十四年為因摘調鎮

遠靖州等衛官軍前去麓川雲南等處征進致令邊城缺守苗賊出沒該總督軍務都御史王來等奏准暫將荊襄等衛官軍調去彼處分作兩班輪流備禦候邊衛清勾軍士足伍之日另行定奪隨後又將三班軍餘亦調前去征進今已十五六年邊衛隊伍計必完足前項官軍仍舊輪班一向本處城池空虛武備廢弛以致賊首千斤劉等得以伺隙為非今雖殄


滅勞費實多看得前項衛所除運糧  
并頭班備禦官軍外其二班三班官  
軍餘丁每衛不過七八百名合無令  
頭班官軍照舊前去備禦將二班三  
班官軍餘丁存留本處操守城池振  
揚威武遇有警急易於調用如此則  
盜賊知所畏懼而地方可以永寧矣  
一襄陽府房縣僻在萬山之中離府八  
日之程所轄地方有歇馬大市螃蚌  
溪格兜坡潭頭坪馬腦關三扒峪梯  
兒崖頭沙河湯家河洞庭廟玉女廟  
長口柳口馬欄青峯壽陽栢木前坪  
後坪洪坪等處土地肥饒道路險阻  
各處流移人戶在彼潛住者不下萬  
數近者賊首千斤劉等一起衆皆響  
應相從為非查得比先年間因見本  
縣山水險惡流民數多盜賊不時生  
發所以設立一千戶所在被守禦後  
因節將官軍餘丁差調各邊備禦征  
進并漕運去訖止留老弱殘疾之人

不堪防禦致賊窺伺為患且前項地方溪水雖多灘浪峻急舟楫不通漕運艱難合無將本所原調各邊備禦征進并運糧官軍盡數掣回本所操守城池振揚軍威遇賊生發易為調遣撲滅其該所原發運糧官軍宜從巡撫三司等官計議於各衛另行照數撥補如此則城池有人操守而緩急不致悞事矣

襄陽府均州地里當四方之中與竹

山房縣上津鄖縣穀城光化相為唇齒本州地方流民比竹山房縣等處流民不相上下彼有警則此戒嚴此缺守則彼警擾自然之勢無足恠者本州原設一千戶所官軍一以守禦本處地方一以控制附近縣分永樂年間奉

勅全存修理宮觀一應備邊征進軍糧等項俱不差調切緣太嶽太和三宮觀在前用工修蓋完固即今煥然如新



中間縱有損壞用工不多查得本所  
實有食糧正軍一千二百餘員名餘  
丁三千餘名雖稱有輪班修理之名  
其實歇役在閑不曾做工合無將正  
軍盡數令其在城日逐操練振揚軍  
威遇有本處并隣近縣分賊盜生發  
聽分巡分守等官調度勦捕各處并  
邊方有警及運糧等項不許一槩差  
調其餘丁三千餘名照舊輪班修理  
遇有大營造之時仍令正軍盡數用  
工如此非惟可以保障一方軍民亦  
可以防護各山宮觀矣

襄陽府均州南漳穀城竹山鄖縣上  
津房縣等處荊州府當陽遠安等處  
俱有各處流移人戶并逃軍逃囚人  
等帶領家小在彼耕種趁食縣住通  
年結構為非均房二處各有千戶所  
守禦鄖縣上津竹山三處俱離均房  
二千戶所不遠穀城南漳離襄陽衛  
不遠當陽離夷陵千戶所不遠惟遠

安縣西北抵房縣千戶所五百餘里西南抵夷陵千戶所二百八十里東南抵荊州三衛三百四十餘里又離荊門南漳當陽等州縣俱各寫遠况本縣止有一里半民遇有賊盜生發急無官軍救援照得已革去荊州護衛官軍見在荊州三衛帶管合無於內查屯田近遠安者摘調一千戶所發去遠安縣與民相兼用工修築城池設立千戶所衛門守禦地方如全所不勾一千戶所就於別所轉撥遇賊生發隨即撲捕如此則軍威彼此相接而盜賊不敢輕動矣

一襄陽府房縣南漳穀城襄陽四縣荊州府當陽縣地方接連陝西四川河南疆域廣闊道路險阻要害去處因無巡司盤詰以此各處流移人戶逃竄逃囚僧道人等徃徃來彼或開山耕種或結菴居住停藏年久聚集為非看得房縣板橋山穀城縣石花街

南漳縣七里頭襄陽縣油枋灘當陽  
縣漳河口俱係強賊出沒流民經行  
緊關去處合無前項地方每處設立  
一巡檢司照例銓官撥吏就於該縣  
僉點弓兵一百名令其常川盤詰往  
來巡視除住種年久附籍已定流民  
聽其本分生理外其不肯附籍者  
回原籍當差造作非爲者拏送官  
治罪私自結菴僧道就将菴舍拆毀  
有度牒者迺送原出家寺院識認住

坐無度牒者解發本管官司問罪還  
俗遇有賊盜生發就便相撲撲滅仍  
仰嚴加禁約今後各處趁食流民僧  
道一應無文引之人俱不許擅入前  
項山場巡司官兵人敢有假公營私  
生事害人者許巡按御史并按察司  
分巡官拏問如律如此則控制有人  
而流移不復聚衆關防嚴謹而賊盜  
日漸消沮矣

襄陽府均州竹山鄖縣上津南漳



城棗陽光化宜城荊州府當陽遠安  
等州縣在前因是土民不及里數俱  
係裁減衙門州設知州判官吏目縣  
設知縣典史切照各州縣土民雖以  
而地土廣闊中間趨食流民屯田  
餘與土民叅雜住種者不計其數詞  
訟日透紛紜盜賊不時生發原設官  
員以保全尚且分理不周一遇公差考  
滿等項輒委雜職官員署事非惟不  
能幹辦公務抑且因而侵渙百姓以  
致事多耽悞民多受害合無將前  
裁減州縣州添設同知一員縣添  
縣丞一員令其專一撫安人民緝  
盜賊防革奸弊如此不惟撫捕二  
責有所歸而一應公務舉無所失矣  
成化二年十月初十日具題奉  
聖旨俱准行

查勘失撥官員功罪奏狀

准兵部咨該

欽差都察院右副都御史王 題先准兵部

咨該

襄王奏成化元年九月初八日臣為封內房縣賊人殺傷差去勦捕軍人以此本縣城池已差百戶胡榮具奏其後強賊縱橫自房縣至南漳數百里內放火劫掠殺傷軍民搶去盔甲火藥等器攻陷南漳燒毀縣內居民房屋官吏人民驚惶奔走深被其害等因具奏該本部官於奉天門欽奉

聖旨前日王奏賊情已勅湖廣總兵等官調兵勦捕今又奏賊情緊急武備多缺且將荆

襄安陸五衛運糧官軍存留本處撫守殺賊還寫書報王該部知道欽此欽遵抄出送司案呈到部看得

襄王所奏除已欽遵

聖斷施行外照得湖廣都布按三司等衙門怠慢悞事都指揮王英參議劉子鍾僉事郁文博并知府于墻指揮孫能千戶曹宗李俊李全百戶曹政韓忠尹釗等雖該本部先已議奏行令都御史王查勘明白參奏究治緣今既因各官互相怠慢致賊如此若不另

為處置誠恐各官無所畏懼因而愈加悞事  
未便合無行移都御史王 著令各官住奉  
做為事官上緊協力殺賊候前賊勦捕畢日  
將各官前項悞事實跡并有無殺賊功勤緣  
由通行查勘明白具奏定奪等因具題成化  
元年十月二十日本部尚書王復等於  
奉天門奏奉

聖旨是即行文書去欽此欽遵移咨到臣除  
行湖廣都布按三司等衙門將指揮王英參  
議劉子鍾僉事郁文博知府于璠指揮孫能

給與自成化元年十一月廿七日

為事官上緊協力殺賊候前賊勦捕畢日

僉事黃謹呈請將前項悞事實跡并有無殺賊功勤緣

際准本府將前項悞事實跡并有無殺賊功勤緣

事官指揮會事請將前項悞事實跡并有無殺賊功勤緣

事官指揮會事請將前項悞事實跡并有無殺賊功勤緣

事官指揮會事請將前項悞事實跡并有無殺賊功勤緣

事官指揮會事請將前項悞事實跡并有無殺賊功勤緣

事官指揮會事請將前項悞事實跡并有無殺賊功勤緣

事官指揮會事請將前項悞事實跡并有無殺賊功勤緣

甲盛謙等與和尚招師一同向前與賊對敵  
內火夫擲廣等用藥箭將賊射死三人中傷  
五六人各賊發狠向前將原帶火夫聶景等  
并招師一十名殺傷身死本縣申府轉達右  
副都御史王 處行委襄陽府知府干璠襄  
陽衛指揮孫能帶領官軍民壯人等協同前  
去被劫處所緝捕前賊當有捕盜老人向友  
恭等走報有前賊在湯頭關駐劄指揮孫能  
不候知府干璠到來商議就行輕率百戶曹  
政韓忠尹釗房縣千戶所應捕千戶曹宗各

帶旗軍拘同老人向友恭帶領火夫人等前  
去捕至馬欄鋪與賊對敵各不奮勇殺賊被  
賊殺死旗軍鄭信等一十名民夫五名被傷  
旗軍將所執軍器盡行丟棄各散有知府干  
璠委的未到不曾策應本年八月二十三日  
前賊復到房縣城外攻城知府干璠指揮孫  
能并本所副千戶李全曹忠等右所百戶曹  
政韓忠尹釗因見賊勢兇惡關閉城門率領  
官軍民壯在於城上用火鎗弓箭射傷強賊  
五六人被賊在於城外劫掠財物燒毀軍民

馮子智等一十七家房屋至晚各賊追散去  
訖等因行間隨據均州守禦千戶所申准本  
所副千戶李俊關奉衛帖該抄蒙右副都御  
史王 案驗備行本職照選精壯軍餘二百  
名各帶鋒利器械聽候本衛指揮孫能親臨  
調用依准點選過旗軍王槐等二百名於成  
化元年八月十九日跟隨本衛指揮使孫能  
前到地名外朝山據本所原差探信小旗時  
常等報稱強賊在於後川屯地名月竹關團  
營宿歇轉往站川去訖當蒙指揮孫能分撥

本職與同千戶高嶽周鼎姜禎旗軍蔣泰等  
一百五十三名員分路徑往月竹關追捕內  
將旗軍鄭信等五十名跟隨指揮使孫能前  
往房縣截捕前賊與賊對敵被賊殺死旗軍  
鄭信等五名其千戶李俊在於月竹關捕賊  
未曾到於房縣又據南漳縣申准原委捕盜  
陰陽訓術羅道呈查得成化元年十月初四  
日強賊到於本縣之時比有知府于璠先奉  
贊理軍務巡撫湖廣都察院左僉都御史王  
倫劄付爲水患事坐取回府踏勘災傷賑濟

曾到縣房山千戶所千戶曹宗李全均州千  
戶所千戶李俊彼時俱各回所未曾到縣止  
有襄陽衛百戶曹政韓忠尹剗等在於本縣  
領旗軍人等與賊對敵被賊殺死本縣并殺  
城縣民壯劉原等五名燒毀民人徐剛等一  
十五家房屋劫去在監輕重囚犯鄒政等八  
名口搶去民人單政等家馬六匹虜去民人  
鍾魁等家男女四名口及查得前項強賊在  
於房縣南漳等處殺傷官軍攻劫縣治之時



有原委都指揮王英回司管事參議劉子鍾  
在均州撫民僉事郁文博蒙巡按湖廣監察  
御史王璽取回科場去訖俱各不在不曾嚴  
督各官殺賊以致賊人將官軍民壯殺死等  
因取具該縣所官吏委官民壯火甲并原日  
對敵處所當地知見人等結狀回繳得此案  
照先准本府牒該承准荆南道故牒奉右副  
都御史王 劄付前事備由移牒到職會同  
襄陽衛指揮蔣通行查勘去後今照前因擬  
合會案各另回報爲此今將會勘過緣由并

取具各該官吏等結狀移牒本府轉繳到道  
據此案照先節奉右副都御史王 劄付案  
驗爲強賊在山拒捕殺傷軍民等事查勘各  
官候事實情及轉行鎮守湖廣總兵官都督  
同知李震分守荆襄等處右叅將都指揮王  
信通查各官有無功勤去後今據繳報行間  
續又節據襄陽府呈抄蒙分守荆襄等處右  
叅將都指揮王信案驗開查先於成化元年  
十一月二十一日日本職分哨督統官軍前到  
房縣進兵勦寇間十二月初九日強賊在於

門樓頭駐劄與同僉事郁文博設意使令官軍前去劫營殺死賊人一百五十名內生擒賊人四十四名器械二十八件官軍全勝回還有功成化二年正月二十三日忽有賊來房縣本職督同本官領軍在於城東外與賊對敵殺退賊衆奪回賊馬四匹器械三十二件至二十四日二十五日賊衆擁來攻城連日分投在於城上戰敵殺退賊衆殺死賊人五十五名保全孤城後有大軍進兵本官隨軍饋運糧儲節次勤勞有功千戶李全李俊

曹宗於成化二年正月二十二日賊衆擁來房縣攻城之時連日在於城上與賊對敵殺退賊衆保全城池及奉鎮守湖廣總兵官都督同知李震劄付查得成化元年十一月十四日攻進隘門關大木礮等處殺獲有功官軍內有都指揮僉事王英擒斬賊級二名顯右叅議劉子鍾生擒賊人一名知府于璠生擒賊人二名指揮孫能斬獲首級一顆百戶尹釗曹政韓忠俱係先當奪關等因及照得自成化二年二月以來蒙



欽差總兵官進兵勦殺賊寇之時有都指揮王英叅議劉子鍾在於穀城縣哨護糧道知府于璠在南漳縣理辦糧料指揮孫能百戶曹政韓忠尹釗俱在南漳縣守城各有勤勞等因具結呈繳到臣叅照都指揮王英叅議劉子鍾僉事郁文博知府于璠指揮孫能干戶曹宗李全李俊百戶曹政韓忠尹釗前項候事實情既已查勘明白於法固當究治緣賊情今已寧息各官頗有前項功勦兼且候事之罪犯在成化元年十一月二十七日

大赦以前緣係該部奏奉

欽依候前賊勦捕畢日將各官前項候事實情并有無殺賊功勦緣由通行查勘明白具奏定奪事理未敢擅便具題又該右副都御史王 題爲緊急賊情事先准兵部咨該巡按湖廣監察御史王瀛等題臣到襄陽府南漳縣訪得都指揮陳昶成化二年二月初七日領軍到於資坪豎立排柵初八日更有賊人前來有陳昶預先怯弱分付頭目不許出敵將官軍民快俱令在於排柵內以待賊人



際若將各官就便提問誠恐缺人領兵因而  
候亭未便合無行移都御史王 着令各官  
住奉做爲事人在彼領軍上緊協力勦殺前  
賊候賊情寧息之日將各官失機候事實情  
并有無殺賊功勤緣由通行查勘明白具奏  
定奪等因具題成化二年三月二十七日奉  
部尚書王復等奏奉

聖旨是欽此欽遵移咨到 除行湖廣按察  
司轉行湖廣都司將都指揮同知李景辰州  
衛指揮僉事梁昱并各該領軍頭目安陸衛

指揮同知黃深荊州右衛指揮使秦昭武昌  
衛指揮同知李隆武昌護衛指揮僉事于鋪  
體給住支令其做爲事官協力殺賊外行據  
分巡荆南道僉事黃謹呈據委官襄陽府襄  
陽縣主簿曾忠呈抄蒙本道紙牌該奉 臣劉  
村前事行准南漳縣牒拘得資坪地方里老  
吳敬等到職審據各人供稱成化二年二月  
初五日有健步尤繼海等報有強賊前來攻  
劫南漳縣當蒙太監總兵都御史等官議調  
都指揮陳景等統領官軍二千員名於二月

初七日出哨到於資坪河北駐劄豎立排柵  
為營初八日果有賊人前來委的都指揮陳  
昶預先分付指揮黃琛秦昭李隆于鏞等不  
許輕易出敵只在排柵內待賊到來方用火  
器弓弩擊殺有賊石和尚等先令一十餘賊  
從河南岸前來誘敵陳景黃琛等俱在營內  
不敢出戰有指揮梁昱不能料敵獨令官軍  
二百員名渡水前去逆戰隨有快手總甲許  
真統領快手八十名前去策應賊人因見出  
戰軍快數少舉衆前來四面夾攻軍快奮勇

殺死賊人約有四十餘名不曾斬得首級

面賊馬四匹被賊殺死快手二十六名軍人

十名後太監總兵都御史等官又差都指揮

蔡昇統率官軍二千員名前去策應賊勢稍

却本日晚收軍回營當夜賊人復來劫營

被官軍用弩箭石砲打退初九日早太監總

兵都御史等官又差指揮蔡英統領官軍一

千員名前去應援舉放信砲鼓噪而進有賊

首石和尚等聞知纔方向前詐說願投降等

語隨即投散入山去訖今蒙查勘所供是實

據供尤恐不的又據拘鄉道陳華等到官  
三研審覆實相同等因呈報到道案照先奉  
右副都御史王 劄付准兵部咨前事仰本  
職即照開去爲事官員從實查勘原先失機  
候事實情有無殺賊功勤緣由依奉已經行  
委本官查勘各官候事實情并行把總安陸  
衛指揮僉事蔡英查勘各官有無功勤去後  
今據前因行間又據委官指揮蔡英呈查得  
指揮梁昱于鏞李隆各於月日不等前進白  
洛河及格兜坡等處俱各斬首二功數內秦

昭亦係督軍殺賊之數黃球進哨之時蒙  
守備南漳并資坪等處往來防護搭架橋梁  
開修道路都指揮同知陳昶率領官軍自南  
漳起至潭頭坪擺堡往來哨護糧料擒獲賊  
人一名有功等因爲照都指揮陳昶指揮梁  
昱于鏞李隆生擒賊犯并斬獲首級中間恐  
有不的行據襄陽府三批蒙記工監察御史  
孫珂鄧本端案驗查得辰州衛指揮梁昱先  
於白洛河斬獲首級一顆後於格兜坡斬獲  
首級二顆及武昌衛指揮于鏞斬獲首級

三顆俱驗明白督進功次都指揮陳景擒獲賊人一名李反得各有功回報到道備呈到臣彙職都指揮陳景指揮梁景于鏞李隆奏獎黃深前等失機等事實情既已查勘明白論法置官查各緣今賊情寧息數內陳景梁景于鏞李隆三有前項生擒斬首功次秦照亦曾督軍殺賊黃琛亦曾守備南漳搭架橋梁開修道路頗効勤勞共成殺賊之功緣係

該奉  
依候賊情寧息之日將各失機等事實情

并有無殺賊功勤緣由通行查勘明白具奏定奪事理未敢擅便具題成化二年十一月初八日該通政司官於奉天門奏奉

聖旨該衙門知道欽此欽遵抄出送司案呈到部參照右副都御史王奏稱都指揮王英擒斬賊級二名顯叅議劉子鍾生擒一名知府于璠生擒二名指揮孫能斬首一顆百戶尹釗曹政韓忠俱當先奪關僉事郁文博設意使令官軍劫營殺死賊人一百五十名

生擒賊人一十四人千戶李全李俊曹宗與對敵保全城池各官頗有功勤無且悞事之罪犯在革前及稱都指揮等官陳昶生擒賊人一名梁昱李隆于鏞俱斬獲首級三顆秦昭亦曾督軍殺賊黃琛亦曾守備南漳搭架橋梁開修道路頗効勤勞共成殺賊之功一節緣各官先因失機悞事已該本部節次議奏令其住俸做為事官戴罪殺賊令副都御史王候賊平之日將各官失機悞事實情詳有無殺賊功勤查勘明白通行具奏定奪

今彼處地方既已寧息其右副都御史王自合照依比先節次奉

欽依內事理各將官查勘見某人有何功蹟堪以贖罪某人應該奏問却乃將奪關并與賊對敵及督軍殺賊開修道路等項一槩作殺賊功勤朦朧具奏合無本部仍行本官令其公同巡按監察御史將各官逐一查勘要見某人功過相準相應寬貸某人罪重功微相應究問再行查勘明白各另具奏定奪等因具題成化二年十一月十五日本部右侍

即李震等於

奉天門奏奉

聖旨是欽此欽遵行移到臣查得兵部前項奏內先一次止稱合無行移都御史王着令各官住俸做爲事官上緊協力殺賊候前賊勦捕畢日將各官前項悞事實情并有無殺賊功勤緣由通行查勘明白具奏定奪後一次止稱合無行移都御史王着各另各官住俸做爲事官在彼領軍勦賊候賊情寧息之日將各失機悞事實情并有無殺賊功勤緣

由通行查勘明白具奏定奪別無令臣查勘各官某人有何功蹟堪以贖罪某人應該究問緣由况賞罰乃

人君之大柄非臣下所敢專兵部原奉內不曾令臣如此擬奏臣豈敢輕易妄擬以此臣止照欽依內事理將各官失機悞事實情并數內王英劉子鍾陳景梁昱等獲到功次及尹釗等當先奪關秦昭督軍殺賊黃琛關蔣道路等項勤勞具奏取自

上裁今該前因欽遵公同巡按湖廣監察御史



史王璽查得指揮孫能委的不候知府干璠到來商議輕率百戶曹政韓忠尹釗千戶曹宗各帶旗軍火夫人等捕至房縣馬欄鋪與賊對敵各不奮勇殺賊被賊殺死旗軍鄭信等一十名民夫五名彼時知府干璠指揮孫能千戶李全曹宗百戶曹政韓忠尹釗委因賊勢兇惡關閉城門率領官軍民壯在於城上用火鎗弓箭射傷強賊五六人被賊在於城外劫掠財物燒毀軍民馮子智等一十七家房屋至晚退散去訖千戶李俊委在月竹

關捕賊不曾到於房縣其後強賊到南漳之時知府干璠委家巡撫僉都御史王儉取回踏勘災傷賑濟餘民指揮孫能委在中途舊縣鋪駐劄不曾到縣千戶曹宗李全李俊彼時各俱回所止有百戶曹政韓忠尹釗在彼領軍與賊對敵被賊殺死民壯劉原等五名燒毀民人徐剛等一十五家房屋劫去在黨囚犯鄒政等八名口搶去民人覃政等家馬疋擄去民人鐘魁等家男女四名口及勸導項強賊在於房縣南漳等處殺傷官軍

縣治之時有原委都指揮王英回司管事奉  
議劉子鍾在均州撫民僉事郁文博蒙巡按  
監察御史王瓌取回科場去訖俱各不曾言  
軍殺賊以致賊人殺死官軍民壯其後官軍  
攻隘門關寺處都指揮僉事王英擒斬賊級  
二名名議劉子鍾生擒賊人一名知府  
十璫擒賊人二名指揮孫能斬獲首級一  
顆僉事郁文博在於房縣設意使令官軍前  
去劫營殺死賊人一百五十一名生擒賊人一  
十四名又督官軍與賊對敵殺退賊衆

賊馬殺死賊人五十五名千戶李全李俊曹  
宗百戶尹剗曹政韓忠委與賊人對敵當先  
奪關曾效勤勞又查都指揮陳昶等統軍到  
於資坪遇賊委的陳昶同指揮黃琛李  
隆于鏞等俱在營內不敢出戰有指  
不能料敵獨領官軍二百名渡水前  
隨有快手總甲許真統領快手八十名前去  
策應共殺死賊人約有四十餘名被賊殺死  
軍快二十六名其後指揮梁昱于鏞李隆在  
於白洛河等處俱各斬首三功都指揮同知

陳昶領軍探野護哨護糧料擒獲賊石首  
秦昭委的督軍殺賊指揮黃琛委的守備南  
漳開修道路曾效勤勞看得都指揮黃英陳  
昶參議劉子鍾僉事郁文博知府干璠指揮  
孫能梁昱于鏞李隆既有前項殺賊之功堪  
以贖日前悞事之罪相應寬貸指揮秦昭黃  
琛千戶李全李俊曹宗百戶尹釗韓忠曹政  
罪重功微俱該究問緣數內李全李俊曹宗  
尹釗韓忠曹政俱犯在成化元年十一月二十  
七日

大赦以前緣係

欽依再問查勘明白具奏定奪事理未敢擅  
便具本謹題

繳撫治流民 勅諭奏狀

成化三年二月二十三日節該欽奉

勅諭今特命爾巡撫河南地方欽此照得先  
奉

勅諭命臣撫治南陽襄陽荊州三府流民已  
經欽遵督同司府州縣衛所官吏委官取勘  
撫治無田地者區畫撥與無牛耕者措辦分

給無衣食者設法賑濟願入籍者編成里甲  
願復業者省令秋成回還及將編過里甲安  
插過戶口撥過田地給過牛種賑濟并願復  
業人戶數目具題外去年賊平之後又經  
督令各該委官將被賊驚散者招撫復業詐  
冒鄉貫漏報戶口等項者取勘明白應改正  
者就與改正應附籍者仍編里甲應發遣者  
照例發遣去後今該欽奉前因除欽遵及行  
湖廣布政司撫民叅議劉子鍾徑自督屬委  
官撫治外今將原奉撫治流民

勅諭

進繳謹具奏

聞

計繳

勅諭一道

陞左副都御史謝恩奏狀

成化三年三月十五日准本院咨爲功次事  
該兵部題節該欽奉

聖旨是王恕陞左副都御史欽此欽遵臣恕  
猥以庸材濫膺重寄偶遇山賊之狂悖幸賴  
天兵之勦除慚無調度之功遽荷陞遷之

寵感

恩莫既揣分奚堪願傾葵藿之誠敢效涓埃之報除望

闕謝

恩外謹具奏

聞

巡撫河套

區畫未完稅糧奏狀

行據河南布政司呈送造完天順八年以前未完稅糧文冊到院看得冊內起運京倉等

慶未完者少存留各府州縣未完者多伏觀成化元年十一月二十七日節該欽奉

詔書內一欵各處軍民解納糧草農桑人丁

絲絹門攤商稅戶口食鹽米鈔并諸色課稅除已到倉庫上納外有納欠年久追陪未完

者自成化元年十一月以前悉皆宥免欽此除欽遵外今照前項拖欠天順八年以前各

年稅糧除起運京倉等處另行外其存留未完之數中間雖有已經起解被里甲大戶侵

欺者亦有輕收輕賣到於臨倉糴買攬頭註

騙不能完納者亦有逃亡死絕人戶遺下之數里甲陪贖不起因被上司催併緊急控作徵完虛文起解者亦有委被水旱災傷申官後時不蒙准理仍前催徵不曾上納者亦有責令細戶自行送納不曾到倉者求其拖欠之故雖不同大抵皆是納欠年久追陪未完之數遵依前項

詔書事例俱該宥免但緣有司惟恐倉庫隱乏供費不足又恐下人作弊將已徵錢糧捏作未徵希冀蠲免以此一弊不與分豁節次

行文催併去訖切謂前項稅糧若是里甲大戶侵欺雖令典田賣地陪贖完納亦不爲過果係小民拖欠例該宥免者若猶追徵非惟逼迫人難實是孤負

恩典况河南地方連年災傷人民艱窘原經收人戶有名無實家道消乏者多雖稱在前侵欺糧價年久亦皆費用不存若仍追徵本色縱使傾財破產鬻男賣女亦恐陪納不起兼且本布政司官庫銀兩盡數送赴荆襄軍前給賞軍士即今無他儲積非惟買辦等項

缺價支給萬一有緊急之用實難措置若不設法從宜處置錢糧殆難完結官司徒自紛擾如蒙乞

勅該部計議合無行移河南布按二司各委堂上公正官員會同前去所屬欠糧府州縣督同各該官吏從公審勘天順八年以前各年存留稅糧除已納完外未納之數果係徵收在官已經起解被里甲大戶侵欺者照例每糧一石折收銀二錢五分煎銷成錠解起本布政司上納收銷以備支用若是小民拖欠者俱照欵奉

詔書內事理宥免如布按二司委官不行心查勘縱容下人通同作弊許巡按監察御史叅奏等因如此庶幾錢糧明白而小民

恩惠庫藏贏餘而緩急不至悞用緣係委官查勘未完稅糧折納銀兩事理未敢擅便

化三年四月十五日具題

蝗生境內請遣使因循

上去奢崇儉奏狀

據開封漳德衛輝等府睢鄭等州蔡澤等處尉氏通許杞縣祥符儀封河陰新鄭陳留長葛蘭陽臨漳安陽新鄉等縣申各准委官判官等官王憲等牒成化三年六月內巡視得恒山等里地方間有飛蝗過落及蟲蝻生發食傷禾稼督令火甲人等打捕移牒轉達等因到職行間又據河南布政司并河南按察司分巡河北道僉事王霽亦呈前因案照先據衛輝等府備昨成等縣申極蝗蝻生發已極具題及通行都布按三司原委

政等官王高分投前去督屬委官設法打捕去後今據前因除嚴督原委官員打捕另行外臣切惟蝗蝻生發固雖天災實關人事人事修則天意可回而災不為災矣昔卓茂令密邑而蝗不入境茂能修其職也今蝗蝻為患於河南者豈無故乎良由臣巡撫失職不能敷宣

聖化以安民人是致上天以此而譴告耳況臣管內地方連年水旱加以去歲荆襄盜起軍勞於征調民困於轉輸及今年起運稅



糧并勘合買辦物料等件比之往年數多今  
又遭此蝗蝻之災軍民何以聊生考之於史  
宋真宗罷諸營建而飛蝗盡絕此真宗能修  
德政以應天是以天災隨之而消也伏望

陛下以

天戒爲可畏以地方爲當重將臣罷歸田里  
另選賢能代理其事尤望

陛下去奢崇儉除祭祀軍需之外其餘一應  
不急之務無益之事可減省者減省之可停  
止者停止之使財不妄費民困少舒庶幾

天意可回而災沴可弭矣臣受

國重寄值茲災異不敢循默為此具題

激勸賢能奏狀

節該欽奉

勅諭今特命爾巡撫河南地方官吏有能奉  
公守法修舉政務者量加獎勸欽此欽遵及  
節該欽奉

詔書內一款府州縣官有能公正撫字勤  
勞深得民心者上司以禮相待仍具其政蹟  
奏

聞以憑旌擢欽此欽遵除河南布政司所屬  
州縣見任廉能知州謝光知縣尚璣王璽胡  
澄先該巡撫都御史夏銓奏  
請旌異不開外今體得開封府中牟縣知縣  
王敦商水縣知縣羅楫河南府孟津縣知縣  
丁政新安縣知縣魏恭俱各廉能公正撫字  
勤勞深得民心未經旌擢除欽遵  
詔書內事理以禮待外如蒙乞  
勅吏部將各官照例量加旌擢庶使廉能者  
益加勸勉不才者有所感發緣係激勸官員

事理未敢擅便今將各官畧節政蹟開坐具  
本謹題請  
旨

計開

開封府

中牟縣知縣王敦 處事公勤持身

廉介耄倪感德遠近知名

商水縣知縣羅楫 不剛不柔無私

無偽令行禁止事安民安

河南府

孟津縣知縣丁政 操持端謹政令

公平庶事康哉群黎樂只

新安縣知縣魏恭 外無浮華中則

純確令嚴政善吏畏民懷

代書辦吏賈儀等請冠帶奏狀

臣先任右副都御史奉

勅諭撫治南陽襄陽荊州三府流民彼因缺

人書辦行該吏部題

准撥令吏賈儀典吏陸暲跟隨書辦後因判

襄盜賊節次奉

勅命臣公同太監尚書總兵等官唐慎等計

議征勦師出數月賊寇殄滅地方底寧伏蒙

聖恩念臣前項微勞陞臣左副都御史緣令

典賈儀陸暲一向隨臣在於軍前書辦公文

催糧督軍蹈危履險同受辛苦未霑

天恩况各吏係是吏部考中例該歷俸三年

滿日冠帶正八品出身人數今已歷俸三十

箇月止有六箇月未滿照得提督軍務白圭

帶去令史陳廉提兵官撫寧侯朱永帶去掾

史黃宣和等俱未及三年已蒙冠帶今賈儀

等與各吏事體相同如蒙乞

勅吏部照例令各吏冠帶辦事揆次取用如是則勤勞者知所感激而益樂於効力矣緣係激勸事理未敢擅便具題

言吏部不覆請給

誥命未當奏狀

臣因父年老於成化三年九月初二日具奏乞請

誥命奏奉

聖旨吏部知道欽此太醫院使施安院判方賢各爲母老於本月初三日具奏乞請

誥勅亦奉

聖旨吏部知道欽此該部已與施安方賢奏奉

聖旨准他却不肯與臣覆奏以致臣不蒙

恩典切思臣與施安方賢同爲在京堂上官同爲親請給

誥勅而該部與施安方賢覆奏不與臣覆奏非惟不遂臣之私實於體未宜伏望

皇上憐臣親老一視同仁特

勅吏部照依施安方賢事例以臣應得

三言卷一 四十三  
誥命先行給賜使臣父生被光榮非惟臣感  
恩於無窮而天下之為臣子皆知所勸矣臣  
為親之心激切干冒

天威不勝戰慄之至為此成化三年九月十  
三日具題

陞南京刑部左侍郎謝 恩奏狀

臣先任都察院左副都御史

欽差巡撫河南近准吏部咨

欽陞前職臣猥以庸材屢蒙顯擢備身兩省

殊無異政特憲三年未有奇勲方虞物議之

未平詎料

宸衷之不棄特降綸音於

北闕俾弼邦教於南京寵命非常驚懷失次

臣敢不公忠是勉敬慎自持遵賢哲得情勿

喜之言體

聖明視民如傷之意庶裨

無為之至治少酬莫大之

洪恩臣下情無任除望

關謝

恩前去到任外具題

大師王端毅公奏議卷之一



二卷己三卷乙四卷乙

欠



